

Raja Perlis berbuka puasa dengan warga UiTM Arau

UM/210810/27/8/10/1 Perlis LG

ARAU 20 Ogos – Raja Perlis, Tuanku Syed Sirajuddin Putra Jamalullail berbuka puasa bersama kira-kira 1,000 kakitangan dan mahasiswa Universiti Teknologi Mara (UiTM) di UiTM Arau di sini semalam.

Turut berangkat ke majlis itu ialah Raja Muda Perlis, Tuanku Syed Faizuddin Putra Jamalullail dan Raja Puan Muda Perlis, Tuanku Lailatul Shahreen Akashah Khalil.

Hadir sama pada majlis itu ialah Penolong Naib Canselor Komunikasi Korporat UiTM, Prof. Madya Dr. Ahmad Redzuan Abd. Rahman dan Pengarah Kampus UiTM Arau, Prof. Dr. Khudzir Ismail.

Raja Perlis bersama Raja Muda Perlis dan Raja Puan Muda Perlis

kemudiannya menunaikan solat maghrib, isyak dan tarawih bersama hadirin di Masjid An-Nur UiTM itu yang turut diselangi tazkirah Ramadan oleh Mufti Perlis, Dr. Juanda Jaya.

Majlis petang semalam dimulakan dengan penyampaian bantuan kepada 16 balu kakitangan UiTM, 15 anak-anak yatim kakitangan UiTM dan empat siswazah universiti itu yang disampaikan oleh Pengarah Kampus UiTM Arau.

Raja Perlis kemudian berkenan menutup majlis dengan melepaskan sekumpulan burung merbuk dan belon sebagai gimik pelancaran sambutan kemerdekaan negara ke-53 pada 31 Ogos ini.